

VSTV osudio pritiske na Općinski sud “Dom” pozvan da se suzdrži od prijetnji

Visoko sudsko i tužilačko vijeće (VSTV) BiH osuđuje praksu Udruženja građana “Dom” u slanju pisama uposlenicima Općinskog suda u Sarajevu, kojima ovo udruženje prijeti iniciranjem pokretanja krivičnog postupka ako ne budu donesene odluke u njihovu korist.

VSTV je u saopćenju za javnost ocijenio tu praksu Udruženja “Dom” svojevrsnim uznemiravanjem i očiglednim pritiskom na rad Općinskog suda. Zbog toga je i pozvalo predstavnike “Doma” da

se uzdrže od tih ili sličnih postupaka i da svoja prava ostvaruju korištenjem legalnih pravnih sredstava.

Vijeće podsjeća na to da su predstavnici “Doma” podnijeli pritužbe na rad predsjednika Općinskog suda u Sarajevu, kao i da Ured disciplinskog tužioca trenutno provjerava osnovanost tih pritužbi. U ovom slučaju ne radi se o pokrenutom disciplinskom postupku, kako je to navedeno u nekim medijima, nego o provjeri osnovanosti navoda iz pritužbe.